

民國上海縣誌
三

民國上海縣志卷十五

人物上

李邦猷

徐彭齡

從兄諫

曹允升

顧言

李祖錫

王維勤

王宗駿

嚴應鈞

祖正邦 父鳳岐 子兆椿

彭聲駿

周宗瑜

喬錫增

潘上珍

朱徵鎔

王宗毅

劉世杰

劉汝曾

朱承鼎

王宗驥

郁懷智

楊振錄

張剛

張堅

姚明燾

王維泰
弟維城

錢允利

丁熙咸

朱耀祖

王慶平
子仁鏡

唐祖繩

汪錫增

吳馨

劉至澤

王宗暉

胡瑛

耿光觀

鈕永昭

蘇本炎

曹燁

蔣清鏡

曹成達

吳良謨

陳昌鳳

張之綱

趙淦

曹驤

吳鍾英

張國華

馬軼羣

陸耀庠

夏書林

黃海林 陳和生附

嚴克昌

沈澄清

李邦陂號梯雲晚取反身之義別字肩叟又字肩僧閔行鎮人林松

同治

志有傳

孫尙璋子

續志附傳

少遭兵燹棄儒就賈北橋孫嘯琴一見器重謂儒

家子不當廢學遂決然捨去溫肄舊業從學於川沙顧孝廉謙之門

同治八年入邑庠嘉善鍾文烝主講敬業書院邦陂從受業飫聞穀

梁家緒論故於春秋學爲最深遂成春秋穀梁經比事二卷輯唐玉

川子春秋摘微一卷采入南菁叢書復爲輯述以發明之事母至孝以暇修供菽水居父母喪哀毀骨立竭誠盡禮喪服中讀禮欲綜貫古今爲喪禮纂一書條理具而書未成常以爲恨修林松易園詩文集板並刊易園集補遺星土釋鄉黨私塾課本及父母優益羅室月來軒詩稿以承先志又呈送所著周易述補於王學使先謙得刊入續經解中家中舊藏書不以貧故鬻於人兢兢保守不使散失以爲子孫當盡之責精於說文等韻學恪守三十六字母而以江氏永借韻轉切圖爲入門要訣曾撰切韻啓蒙二卷及爾雅釋官釋親二卷中年後精研三禮尤好宋儒語錄躬行實踐治家整飭恪守朱氏柏廬家訓足跡不入公門邦畿治經遠紹易園家法近得鍾氏薪傳其教授生徒前後四十餘年教法會通經史歸本修身曾輯東萊博議

集評刊行爲學徒課本浦東西青年經邦獻講授皆嶄然不落恆蹊
家素貧晚境稍裕族中無後及戚友困乏者量力資助以館穀之餘
行慈善之實而自奉淡泊衣服或至補綴飲食恆不兼味居恆慎默
然當酒酣耳熟縱談十數年來家國事輒蹙額深憂不能自遣晚歲
以保存古學爲己任與同志設立圖書館課暇恆至館釐整藏書宣
統元年邑人公舉孝廉方正固辭二年徵書至稱疾不赴民國元年
冬卒年六十六邦獻勤於著述不日珍惜稿多散佚子味青檢遺書
得文稿一卷雜稿一卷雜著一卷文宗桐城湘鄉詩有唐人風格

徐彭齡字允頤號曉秋允臨

見續志
藝術

從子彭齡事母孝撫弟棧植各成立

營鹽筴起家配運上南川引窩玉牒告成敍勞得鹽大使分浙江歷
任仁和錢清下砂袁浦場官錢清最久錢清舊有書院廢圯久彭齡

至卽命題觀風優給膏火擇尤刊刻課藝壬寅癸卯兩科院生得甲乙榜者十七人爲從來未有之盛科舉廢學校興捐廉設小學七所又設宣講所閱報社爲各屬倡甯園沙地坍而復漲原戶與墾戶互爭訟纏七十年官經數十任每辦清丈沙民揭竿暴動時人爲諺曰錢清好做甯園難過彭齡抵任下鄉察訪者三年乃稟請設局升科親歷隴畝督吏丈量鄉父老各戒其子弟靜聽處分不半年而經界正巡撫張曾敷馮汝驤先後奏保彭齡熱誠興學卓著循聲籲請破格獎勵摺中言闔省寅僚能盡如該員之用心則學務無患不興地方無患不治兩奉硃諭傳旨嘉獎宣統中引退歸里民國元年卒彭齡從兄棟字爾權講黃老學壯游浙粵贛設帳授徒從游甚衆官江西候補知縣著述至富已刊者有老子詮釋求道津梁

曹允升字中孚世居江橋爲人急公好義若開浚河渠地方公益羣力所不及者均盡力助之曾任蒲淞市議員江橋新涇諸翟虹橋合併爲蒲淞市奔走尤力民國二年卒年七十六

顧言字丹泉世居十六保荷巷橋性嚴重有膽識年十六畢羣經善屬文博覽古文辭尤喜讀漢書丹黃爛然咸豐十年洪楊擾松城言居鄉且耕且讀嘗舉徐光啓農政全書植棉成效勸勉鄉人以是種棉益衆（西南鄉四十餘圖荒墳絕戶地廢而糧額猶存皆由柵業賠墊同治六年言聯合士紳請於藩司王大經永遠禁止勒石縣署同治七年入邑庠）言於濬渠之學講求有素自光緒初至季年歷濬竹岡橫瀝千步涇俞塘并佐浚吳淞蒲肇諸幹水工至萬餘丈附近田數萬畝皆資灌溉橫瀝工竣知縣陸元鼎驗收河工謂曰如此鉅

工千夫雲集無爭毆口角片紙入告足見君之調度有方而用心良苦矣松滬通衢有中渡橋歲久頽廢言欣助勸募易木以石費至四千餘金鄰近橋梁有毀壞者悉修葺之光緒十二年至十六年歲連歉請於縣以積穀息金給籽種皆躬自規畫核實散放米貴則陳請平糶四境以安浦西各鄉向無書院同治十一年偕鈕世章張慶慈創辦吳會書院培養寒畯士風以振事載入續府志書院成鈕張故世言獨任其勞光緒二十四年以後國人競言維新乃改吳會爲強恕學校開四方風氣之先造就甚衆商約大臣呂海寰入奏傳旨嘉獎三十年邑人組織學務公所後奉部令改勸學所言被舉爲協理經理財政多所規畫邑人陸徵祥星使注重農業倡捐鉅金知縣汪懋琨屬言董其事規定辦法就閔行建農校延教師招學生不一載而成立三十

三年任總理官契局章程多歸手定宣統元年被選江蘇諮議局議員於本省利弊頗有建議言事親孝待弟友與人交篤於氣誼戚族有托孤者若馬橋鈕世慎同里沈作舟身沒子幼爲之處分家事以遺產寄交吳會書院管理及其子完姻悉以歸還鈕沈兩家至今感之精研醫藥自內經傷寒及劉張李朱近代王孟英諸書探討入微求診者無遠近必往治治輒效民國三年卒年七十餘

李祖錫字子蓮號祉聯世居閔行咸豐十年隨父榮棣伯榮滋

續志人
物有傳

避

地通州日手一編不以亂離廢學其後回里從師治舉子業尤篤信先儒義理之學事母孝母病劇焚香禱天割股和藥以進竟霍然愈又四年母卒哀毀骨立遂得怔忡病時愈時發同治十三年以縣試第一入泮撥入府庠尋補增廣生舉優行中光緒十一年副貢其爲

文一宗先正根柢經史尤善書取法晉唐在家授徒十六年館竹岡黃氏八年所造就甚衆遠近執贄來遊者皆擷芹食餼掇巍科以去熱心地方公益歲歉則請給籽種匪警則籌辦團防疏浚橫瀝淡水瀝母子涇改建啓秀雲路中渡橋經理普安衍善堂靡不竭盡心力實事求是而於公款出納絲毫不苟二十四年政變後鑒於世界大勢非興學育才不可與顧言等改吳會書院爲強恕學堂並倡設務敏學堂延聘專家中西並課手定規制躬自督理以崇實黜華爲宗旨三十一年選授震澤縣訓導之任未久蘇紳延爲江震高等小學校長並由江震兩縣令會請稽察兩縣學務所過市鎮竭誠激勸一時聞風興起捐資辦學者數十處猶慮偏重西文國學荒墜演述宋儒精蘊成修身範一本蘇湖學子爭相傳頌焉任職五年宣統二年

觀江甯勸業會陡患中風舌強言蹇適願言出席諮議局邀治投以
熄風化痰諸品病漸瘳卽歸里辭退學官杜門養病時本邑中等農
業學校成立邑令田寶榮敦請爲監督迫於地方義務扶病主持校
事任職七年舊疾復發卒年六十九著異文櫛略二卷經義類編三
卷青琅詩文集隨筆等編待刊子三長子顯衡先卒次子顯常字鏡
海邑庠生性剛果明白事理因病習醫治人輒愈不受酬閱南輪船
公司與法商立興公司競爭勢幾不支顯常四出奔走竭力維持依
據條約與立興爭事始得直厥後立興歸併閩南航業始有起色三
子顯謨邑庠生肄業武備學堂暨日本士官學校歸國應試賞舉人
歷任軍職

王維勤字穀生慶勳

同治志列
人物傳

次子幼嗜學受經於鍾子英學文於童子

佩避難劉河受拳術於太倉施蓮史洊遭寇亂不廢讀書時淺見者謂今世已亂人可恣行維勤曰此正君子恐懼修省之時堯有九年之水加一版者後沒湯有七年之旱施一勺者後枯若藉口世亂而無所不爲乃詩所謂其何能淑載胥及溺者也清同治五年補行元年壬戌歲試以第一名入邑庠尋丁父艱顧家中弟妹均幼遂絕意仕進一以教養弟妹爲務維勤之學邃於經史其釋大學以誠正爲根本格致爲入手其釋孟子以知言養氣爲亞聖根本之學其釋中庸注意於君子之道造端夫婦而以國胎教泰西衛生之說爲證其釋書經注意於周公無逸當以國語敬妻而治相提並論蓋談易謂大道變化不主故常君子之出處語默所以能素位而居者在太象六十四箇君子於諸史中惟取左傳史記次之爲歐陽公五代

史其他均視如帳簿無裨實用生平未嘗著書或勸以著作傳後曰
精理名言古人已先我言之在身體力行耳王氏以孝友起其家維
勤之教弟妹及子必舉其家先世孝友故事以爲準的承其教者莫
不感念祖德嶄然各能自樹立精醫理自內經傷寒金匱及劉張李
朱諸大家之書無不披覽嗜圍棋國手如陳子仙周小松與爲師友
弈理爲一方冠嘗曰善弈者能走逆境又曰劇戰時不可動忿兵蓋
就弈而悟哲理焉初維勤少時與無錫許靜山縱談天下事言欲致
治平宜廢科舉設學校行鄉舉里選之法而以時文帖括爲霸者牢
籠英雄之具時科舉方盛識者以爲知言宣統紀元邑人公舉孝廉
方正維勤曰歇後鄭五作宰相時事可知矣遂不應徵

王宗駿字通叔號沾生承基

續志有傳

次子工算術善絲竹嫻崑曲畫法南

田承基督辦甘黔皖統捐宗駿綜核收解款數百萬無毫釐誤以助饟辦捐勞績歷敘員外郎分部郎中以知府用里居好施藥餌父承基患半身不遂症嘗覓再造丸方請名醫加減躬自配製服之遂愈乃出餘粒以行世承基建宗祠定祭禮纂家譜兄宗壽歷董積穀海運宗駿襄助力尤多光緒二十年中東之役籌辦團練三十三年總工程局成立任議董兼調查地方公產創辦內地電燈公司以抵制租界之侵入宣統三年滬城光復組織保安團又輸款購洋龍設消防團以弭火患宗駿富記憶力有忍耐性每任一事不苟不懈課子綦嚴諸子科第繼起皆有聲庠序焉

嚴應鈞字秉國號殿卿先世自劉河徙上海遂占邑籍祖正邦少習油麻業既而自設肆晚乃營沙船業卒時年八十父鳳歧號義棠幼時

習賈吳門動止異常兒肆主信任之及正邦設肆滬上招之歸肆主如失左右手內行誠摯與其弟恪守家業出入渤海遼瀋間皆守義重信爲衆商所推重其經商一軌於正義所不可雖逆億可獲鉅萬不爲也船號而外曾合股開設錢肆凡在戚鄰多所汲引俾之宣力商場久之聲譽漸隆邑吏以公家事相屬任十六舖巡防南局董事以河工案獎敘八品頂戴遇覃恩膺四品封典卒年八十一應鈞幼就傅卽勤敏端重比長理船業操奇計贏一出以信義貲甲一邑而自奉儉律已嚴待人謙和性惡訟犯而不校人有逋負不加迫索其在家庭能先意承志雖年逾五十猶孺子慕也父沒當道委爲十六舖巡防南局董事分所當盡皆力任不辭遇外省水旱籌振有求助者無不立應於鄉里義舉亦如之應鈞父子捐金襄助善舉皆隱名